



UNIVERSITÄTS-
BIBLIOTHEK
PADERBORN

Universitätsbibliothek Paderborn

Joannis Commirii E Societate Jesu Carminum Libri Tres

Commire, Jean

Lutetiæ Parisiorum, 1678

Ad Eandem. Josepho Figuierio Canonicō Et Succentore Ecclesiae
Rothomagensis, Musicae Societatis Principe Et Agonotheta. Ode VII.

urn:nbn:de:hbz:466:1-14818

Echo garrula fornices ;
 Et portare levi dat Zephyro procul
 Magni dona Fieuxii ,
 Et famam celebrem trans mare barbarum ,
 Linguæ flumine lacteo
 Quo vult cumque animos ducere callidi ,
 Promissum meritis pedum ,
 Cervicique leves cui feret infulas
 Claro sanguine clarius
 Virtus , & pietas juncta modestiæ ;
 Ni se religio malè
 Fraudare ipsa suis certet honoribus .

AD EANDEM.

JOSEPHO FIGUIERIO
 CANONICO ET SUCCENTORE
 ECCLESIAE ROTHOMAGENSIS ,
 MUSICÆ SOCIETATIS PRINCIPE ET AGONOTHETA .

ODE VII.

DESCENDE Olympo , & duc age candidis
 Tecum quadrigis cœlituum choros
 O Diva , cui cantus fidesque
 Et tremulis modulata ventis
 Sunt æra cordi . Festa clientium
 Te turma ad aras luce vocant suâ ;
 Pompaque solemini laborant
 In numerum celebrare laudes .

V. iii

Præit micanti Figuerius manu
 Arguta blandus tangere cymbala,
 Auresque suspensas canoris
 Atque animos tenuisse chordis.
 Rex ille sacri dictus & arbiter,
 Donanda claris præmia vatibus
 Ostentat, & victrice frontes
 Ardet ovans redimire lauru.
 Jam tibiæ acres, & Berecynthiæ
 Buxi, & remistæ cum citharis lyræ,
 Vocemque crispantes ephebi,
 Dulce melos bene temperato
 Plausu remittunt. Par studium omnibus
 Nuptam Tonanti dicere virginem,
 Sanctoque custodem pudori
 Appositum thalamisque castis;
 Et missa sponso lilia cœlibi,
 Hortisque lapsas æthereis rosas,
 Ad quarum odorem pulsa fugit
 Corde Venus, Venerisque proles.
 Nec clara fratum prælia liquerint
 Oblivioso pressa silentio,
 Palmasque, & æternos subactis
 Numinibus dominâque rerum
 Româ triumphos. Fœmina, nobilis
 Dux facti & auctor: nec puduit viros
 Duram sub imbelli magistra
 Sponte pati didicisse mortem.
 Illa irretortis luminibus rogos
 Ferrumque, & omnes barbariæ trucis
 Secura formas intueri, &
 Carnificum potuit ferendo

Consumere iras. Sed neque vitro
 Splendore fortunæ , insidiantibus
 Nec passa Sirenum illecebris
 Pectora plena Deo moveri.
 Divina Amazon ! sic tibi laureis
 Intexta semper lilia floreant ,
 Castique servatrix pudoris
 Perpetuo rosa vere spiret ;
 Audi piorum vota sodalium ,
 Hoc & precanti Cæcilia annue ,
 Longos ut Harlæo fruatur
 Sospite Figuerius per annos :
 Harlæo, amicum quem sibi numina
 Si dextra servent ; non Phrygias opes ,
 Non sceptræ , fortunamque regum
 Invideat pretiosiorem.

IN EANDEM.

DITHYRAMBUS.

ODE VIII.

GRATUM sonantis Cæcilia organi
 Docta vocales animare cannas ,
 Perque ære sylvam fusilem
 In numerum digitis concordes ducere ventos ;
 Interiore domus recessu
 Secum pudicos ventilabat ignes ,
 Et virginales nuptias
 Conjuge digna Deo canebat .
 Custos pudoris aliger sub alto
 Lectas Olympi vertice fert rosas ,